

91 hlutaðeigöndum, að jeg fellst á það, sem þjer eins og frá er skýrt, hafið tekið fram og 5. ágúst. ekki fæ sjeð, að beiðandanum að sinni eða meðan hann er ekki þurfandi sveitarstyrks verði meinað að halda áfram dvöl sinni hjer í bænum, og skal því úrskurður amtsins á málinu og sú ákvörðun fátækra stjórnarinnar í Reykjavík, er hann staðfestir, hjer með felld úr gildi.

92 — *Brjef landshöfðingja til beggja amtmanna um innheimtingu á gjöld-* 2. septbr. *um af útlendum fiskiskípum.* — Utanríkisráðgjafinn hafði bent á, að hin enska utanríkisstjórn hafði skýrt frá, að þá er heimtuð hefðu verið inn gjöld samkvæmt tilsk. 12. febr. 1872 af nokkrum enskum fiskiskípum, er leitað höfðu hafna í Suðurmúlasýslu í fyrra, hefðu 3 skipseigendur lýst yfir því, að skipstjórar sínir hefðu ekki verið krafiðir á Íslandi um nefnt gjald. Fyrir því skoraði landshöfðingi samkvæmt brjefi ráðgjafans fyrir Ísland á amtmenn að brýna fyrir öllum lögreglustjórum, sem eiga að hafa eptirlit með fiskiveiðum útleendinga hjer við land, að þeim ber að svo miklu leyti sem mögulegt er sjálfum að reyna að ná inn hinum lögboðnu gjöldum, og að þeir, ef þetta tekst ekki, og þeir þykjast þurfa að leita aðstoðar utanríkisráðgjafa til að heimta gjöldin saman, eiga að útvega svo nákvæmar skýrslur, sem unnt er, um nöfn skipanna, merki þeirri, heimili o. s. frv., svo að komizt verði hjá því, að ómaka útlend stjórnarvöld meir en nauðsynlegt er.

EMBÆTTISMENN SKIPAÐIR.

Hinn 14. dag ágústmánaðar þóknaðist hans hátign konunginum allramildilegast að skipa: settan hjeraðslækni Þórð Guðmundsen til að vera hjeraðslækni í umdæmi því, sem nefnt er 2. læknishjerað í lögum frá 15. október f. á. — Gullbringusýslu að undanskildu Garða prestakalli;

settan hjeraðslækni Pál J. Blöndal til að vera hjeraðslækni í 3. læknishjeraði — Borgarfjarðar- og Mýrasýslu;

settan hjeraðslækni Ólaf Sigvaldason til að vera hjeraðslækni í 7. læknishjeraði — Strandasýslu og Garpdals- og Staðarprestaköllum í Barðastrandarsýslu, og ber honum þar að auki samkvæmt 3. gr. laganna frá 15. október f. á., að gegna fyrst um sinn hjeraðslæknisstörfum í hinum parti Barðastrandarsýslu að fráskilinni Flatey;

settan hjeraðslækni P. E. Júlíus Halldórsson til að vera hjeraðslækni í 8. læknishjeraði, — Húnavatnssýslu vestan Blöndu;

settan hjeraðslækni Boga Pjetursson til þess að vera hjeraðslækni í 9. læknishjeraði — Húnavatnssýslu austan Blöndu og Skagafjarðarsýslu að fráskilnum Fells, Barðs og Knappstaðaprestaköllum, og ber honum samkvæmt 15. gr. laganna frá 15. oktbr. f. á. fyrst um sinn að gegna hjeraðslæknisstörfum einnig í þessum 3 prestaköllum;

kandidat Einar Guðjohnsen til að vera hjeraðslækni í 13. læknishjeraði, — Svalbarðs og Sauðaness prestaköllum í Þingeyjarsýslu og Skeggjastaða og Hofs prestaköllum í Norðurmúlasýslu;

settan hjeraðslækni Þorvarð Kjerulf til að vera hjeraðslækni í 14. læknishjeraði — öðrum prestaköllum Norðurmúlasýslu, og Vallaness og Hallormstaðarprestaköllum í Suðurmúlasýslu;

settan hjeraðslækni Sigurð Ólafsson til að vera hjeraðslækni í 17. læknishjeraði — Vestur-Skaptafellssýslu, og hefir hann þar að auki 1. septbr. aflandshöfðingja verið settur til að gegna hjeraðslæknisstörfum í Árness og Rangárvallasýslum, þangað til búið er að skipa embættismenn í þessi læknishjeruð.

Hinn 27. dag júlímánaðar skipaði landshöfðingi prestinn að Stað í Grunnavík, sira Einar Vernharðsson, til að vera prest í Staðarprestakalli í Súgandafrði í Vestur-Ísafjarðarprófastsdæmi með þeirri 300 kr. uppbót, sem brauðinu er heitið úr landssjóði.

Hinn 1. dag septembermánaðar skipaði landshöfðingi kandiðat Sófonías Halldórsson til að vera prest í Goðdalaprestakalli í Skagafjarðarprófastsdæmi;

sama dag var kandiðat Jónas Bjarnarson skipaður til að vera prestur í Kvíabekksprestakalli í Eyjafjarðarprófastsdæmi með þeirri 200 kr. uppbót, sem brauðinu er heitið úr landssjóði;

sama dag var kandiðat Janus Jónsson skipaður prestur í Hestþingum í Borgarfjarðarprófastsdæmi.

ÓVEITT EMBÆTTI.

Staðarprestakall í Grunnavík, í Norður-Ísafjarðar prófastsdæmi, metið 499 kr. 16 a., auglýst 27. júlí.

Melstaðarprestakall í Húnavatnsprófastsdæmi, metið 1754 kr. 4 aur., auglýst 2. septbr.; 3 prestakkjur eru í brauðinu.